

蘄州志卷之十三

知蘄州事虞山錢 鑿纂輯

人物志

列女

上

已旌節婦

烈婦

貞女

賢媛

列女首旌節紀

恩遇也義莫重于舍生守莫堅于不字故烈婦貞女次之母儀立而後家道成故賢媛又次之未旌諸節採輿論合者胥著于篇要以年與例為斷云

已旌節婦

蘄州志

卷之十三

列女上

一

明

生員馬廷實妻劉氏年二十廷實卒家貧績紵供姑撫遺孤如駕為諸生駕又卒孫甫三歲同媳潘氏撫之萬歷中旌

生員楊杲妻劉氏興國人員外郎守愚之姊年二十八杲卒撫猶子芳為子芳本生父楊楫亦早世楫妻華氏年未二十與劉課芳得舉于鄉芳又卒芳妻田氏無子勵志同守劉華年逾八十田年六十

有三乃卒

按舊通志載有楊杲妻華氏年未二十杲卒課子芳舉于鄉考州舊志楊杲

妻實劉氏又芳乃楫之子則華氏
乃楊楫妻應附杲妻劉氏傳中

張頤妻李氏萬歷二十九年旌

生員朱用謙妻黃氏年二十用謙卒撫孤垓爲諸生
守節四十餘年卒垓徒步叩閭以請得旨旌表

登仕郎王懋仁妻龐氏御史王珙祖母以貞節著珙
陳其狀于朝得旨建坊

生員瞿平妻李氏憲副際春女年十八平卒苦節四
十八年得予坊表

劉鉞妻顧氏貢生天錫同母姊年十八適孝廉劉廷

蕪州志

卷之十三 列女上

二

柱子鉞甫十八日鉞赴試至□頭河覆舟死屍潰
氏抱痛哭剪髮垢面苦節四十餘年後偕弟避難
卒于江寧侄景星以喪歸合鉞墓事□旌卹

楊某妻翟氏生員楊□母早寡事姑姑病割股以救
崇禎中州牧唐世煦已經申報年六十餘卒

興史張忠祿妻廖氏夫卒斷食指與天□事姑稱孝
婦撫子克懋克恕爲諸生年六十四卒節已報部

國朝

州學生李本□妻何氏夫卒子□□厚幼守志密居

風雨暴至壞墻屋氏與二子俱無恙鄉里驚爲神
護子坦知趙州迎養署中進以縑衣却之年八十
三卒贈宜人康熙三十七年 旌

諸生李澤潤妻金氏廣濟豫齋德嘉女年二十七澤
潤卒姑老子幼皆倚氏爲存亡氏奉姑與同卧起
姑安之嘗曰老人苦中得甘惟節婦是賴耳課子
永芬補諸生康熙戊辰武昌兵譟氏適省母龍坪
不得歸遣芬從間道往衛姑指佩刀曰若有急吾
當自裁未幾難平幸無恙年六十五終雍正二年

蘄州志

卷之十三

列女上

三

旌

董開智妻張氏舉人梗女年二十四夫歿無子遺腹
生一女氏甘貧守義撫猶子炤爲嗣教以成名終
節三十六年雍正二年 旌

諸生李之璫繼妻諸氏紹興人幼穎悟通女史以父
尉蘄遂適璫逾年生子生槃甫三月璫卒氏綜理
家政教夫元配三子桂采梅及槃俱成名婢駱高
氏早寡與氏同榻終節雍正三年 旌

太學生王琦妻熊氏茶陵知州應昌長女琦係武□

長年長子氏年及笄適生二子姑年踰七十家復
貧事姑撫子益篤謹孝慈並著雍正三年 旌

梅春幹妻陳氏夫早卒撫子希中成立爲太學生雍
正三年 旌

張大綸妻王氏年二十四夫歿舅姑老二子翼軫俱
幼氏誓死養姑撫子後次子及兩媳並喪又撫諸
孫孫媳程氏亦青年守節王苦節五十餘年雍正
三年 旌

陳旣均妻錢氏蘄水錢席儒女年二十歸陳五載旣

蘄州志

卷之十三

列女上

四

均卒長子覲文方二歲遺腹生覲武家貧終無怨
言雍正三年 旌

監生陳正芳妻吳氏年十九適陳二子俱襁褓夫病
篤氏齧指血滴夫掌中誓以養親撫孤服闋歸寧
其母諷以改適氏終身不至母家撫子信古述古
俱貢成均守節三十四年雍正九年 旌

李永觀妻顧氏景星女幼讀內則女誡諸書明禮義
舅姑早歿事祖姑何氏以孝聞永觀兄坦爲趙州
牧氏侍祖姑之趙署會坦暴卒祖姑年高氏竭力

支持公私皆辦及歸永觀已歿鬻以持戶內外肅
然教子敷生成名年六十二卒乾隆二年 旌

州學生張仕繩妻李氏諸生宗嶠女年二十一適張

逾年仕繩卒子正珩甫六月越二十四珩又卒婦

何氏遺腹生文煜氏復撫之成立乾隆三年 旌

諸生張芬妻王氏州學生家棟女芬卒氏年二十六

歲撫子女各一事舅姑以孝聞及舅姑歿氏倍服

衰麻以成夫志苦節四十年乾隆五年 旌

王廷詔妻張氏濟邑明玉女年十九歸王事孀姑向

蘄州志

卷之十三

列女上

五

氏惟謹姑嘗患疽口吮濃血以去內毒又隨姑避

難遇賊氏以身翼姑被創不離賊義釋之年七十

四卒乾隆五年與夫廷詔俱以孝 旌

張仕超妻駱氏仕超卒氏年二十四撫仕超姪正驥

正紀爲嗣乾隆五年 旌府志作仕起

張必相妻羅氏性至孝通曉大義明末寇難韓總戎

招必相運籌幕府必相散己產給土寇使歸爲農

皆氏攸助之力相卒子拱辰亦早世與媳王氏各

終節乾隆五年以姑媳雙節 旌

劉□妻□□□□□□□□□□歿□二□守節□□□□

乾隆□□□

田□□□□□□□□□□徐氏□十九□□二□

八本□□徐子□□□□二十□□貴□□貴□□

弟也嚴□孤□□以慈聞徐事舅姑以孝聞乾□

六年以□□雙節 旌

吳奎佐妻□氏年十八夫亡撫三月孤守節三十五

年乾隆六年 旌

楊眉公妻陳氏年二十一夫亡撫從子爲嗣□隆六

蘄州志

卷之十三

列女上

七

年 旌

胡備三妻陳氏年二十八夫卒撫孤宗謙慈嚴□濟

事舅姑就養無方課子成名苦節五十五年乾隆

六年 旌

候補知縣陳治猷□□張氏 側室劉氏治猷卒時

張無子劉生子文□女一前治猷妻葉氏早亡生

子文獻二氏□如己出後文獻早逝復撫兩孫成

立張守節十九年卒劉守節四十九年現年七十

四歲乾隆七年 旌

張宗霖妻張氏 張明萬妻朱氏乾隆八年以姑媳
雙節 旌

諸生王亮猷妻易氏事孀姑以孝聞亮猷卒氏年二
十九無出立亮猷從子開畿爲嗣開畿由太學生
赴選感疾還家踰日卒媳張氏以婦代子三孫世
永貢生世涵世湛俱太學生乾隆八年 旌

宋景榮妻張氏 生員宋之煌妻陳氏 生員宋世
駟妻范氏張年十九夫亡撫遺服子之煌煌生子
世駟俱早逝煌妻陳氏駟妻范氏皆守志乾隆八

蘄州志

卷之十三

列女上

八

年以一門三節 旌

陳欲瑛妻李氏諸生宗嶠女早寡無依或欲嫁之氏
剪髮勞面以拒立欲瑛姪洪樞爲嗣乾隆九年
旌

吳又岡妻鄧氏苦節三十六年乾隆九年 旌

陳法□妻詹氏年二十四夫亡撫一歲孤事舅姑□
□乾□九年 旌

馮□□□□氏□□憲次女年十□□元□元□
□□年二□二□□守元凱弟□□□□□□

氏愛如己子元凱大功妹適氏姪易淳未三載淳卒氏引與同居垂十餘年今氏年七十七歲乾隆九年旌

陳法虞妻吳氏年二十二夫歿撫孤成立事祖姑盡孝乾隆九年旌

貢生陳信古妻張氏年二十一夫歿撫姪舉爲嗣一夕大雷雨室圯氏母子俱無恙人謂苦節或有阿護云乾隆九年與姑吳氏以兩世清操旌

余藩妻張氏乾隆九年旌詳見藩傳

蘄州志

卷之十三

列女上

九

管宗咸妻沈氏宗咸卒氏年二十九守節撫孤次子樸補諸生收從姪養育及成室佃婦邱貸于氏苦不給火其券後并殮葬之乾隆十年旌

汪執信妻宋氏年二十一執信卒却鉛華足不踰閭事姑撫孤守節三十二年子之岳諸生乾隆十年旌

駱杼懇妻吳氏簡庸長女年二十四杼懇卒生一女立杼懇姪爲嗣治家嚴規矩梱內外肅然乾隆十

年旌

周延光妻孫氏年二十四夫亡撫孤守節七十六年
乾隆十年 旌

李來亨妻張氏幼嫻女訓年十七歸李逾年來亨卒
與姑同卧起晨昏不少廢禮每膳必別具精食行
必親授杖乾隆十年與子由虞以孝行並 旌

童應修妻居氏濟邑諸生大祐女年二十七修卒氏
勵志苦節隣蕭婦江氏程婦馮氏家貧少寡氏每
出餘貲相助以成其志子有稔全任國學生接驗
州學生孫嶧岍諸生巒乾隆壬申副車三世同居

蘄州志

卷之十三

列女上

十

皆氏教也乾隆十二年 旌

州學生張樞妻張氏濟邑諸生左黃長女年二十八
樞卒氏養孀姑撫諸孤成立長點太學生次朝柱
諸生次煥次莢太學生乾隆十二年 旌

太學生呂琮妻張氏早寡撫孤孤復歿立琮姪寅亮
爲嗣教養以義能克其家乾隆十二年 旌

田之紀妻張氏適田生一子甫三月之紀卒或有以
多金啗之紀兄求娶者氏聞引刀刺面血流赤地
隣里義之爲別置屋以居俾磨豆作生□□□□

子自食豆屑艱苦羸積姑歿營葬具納子婦兼撫
天姪成室年六十一卒乾隆十二年 旌

洪方谷妻柯氏年二十五方谷卒撫遺腹子守節三
十九年乾隆十二年 旌

王有憲妻張氏 王德駟妻胡氏有憲卒張年二十
六撫孤德駟又卒媳胡氏生子承彬甫三月姑媳
雙節乾隆十二年并 旌

諸生葉舒馥妻張氏年二十九夫卒子三遺腹一氏
撫之成立後多相繼亡末媳韓年二十無出亦承

蘄州志

卷之十三

列女上

十一

姑志氏立長子之子芬爲其後族有梁氏者寡而
貧氏收之俾得所三子燦昱州諸生乾隆十二年

旌

陳斯祜妻吳氏年二十三夫亡紡績以奉繼姑撫六
月孤成立苦節三十三年乾隆十二年 旌

陳學坡妻田氏自幼以禮自持學坡卒撫兩遺孤及
一孤姪皆成名初氏與學坡弟婦宋氏力支數喪
形影相憐人稱雙節宋早逝未旌氏乾隆十二年

旌

陳芳軾妻田氏年二十九夫亡撫二孤成立守節二十七年乾隆十二年 旌

吳元桂妻鄧氏年二十歸吳四載元桂卒氏甘貧守節誓不他適乾隆十二年 旌

胡啓商妻張氏啓商卒教二子耕讀長子浚又卒媳方亦守節撫次子濬入太學守節三十九年乾隆十三年 旌

顧燕定妻王氏諸生開烈女年二十四燕定卒遺孤甫六月撫之五歲而殤燕定幼姪又喪母而孀姑

蘄州志

卷之十三

列女上

十二

復值衰年氏強起奉姑撫幼咸盡其道操持三十餘年不少懈乾隆十三年 旌

張復俊妻章氏濟邑諸生亮采女年二十歸張家貧勤紡績復俊卒撫孤有伸有仲又卒偕孀媳撫幼苦節五十四年乾隆十四年 旌

太學生桂佐廷妻張氏蘄州營守備潛蛟女年十七適桂甫二載佐廷卒遺腹生一女氏性純孝善事舅姑立佐廷姪登岱爲嗣撫養教育過于所生苦節五十七年卒乾隆十五年 旌

諸生董開勳妻王氏年二十六開勳卒生遺腹子一
家貧灌園紡績膳姑勳叔父母無子生養卒葬氏
身任之苦節四十六年乾隆十五年 旌

童扶九妻□氏俊傑女年十七適童年二十扶九卒
守節歷□十一年現年七十一歲

吳允執妻□氏適允執生三子九執卒姑老病脫齒
氏嚼米□朝夕營葬諸喪教子洪道洪美成立儀
度補諸□□八十八孫曾五十人守節六十年詔
予坊表□□乾隆十七年 旌

蕪州志

卷之十三

列女上

十三

江有宗妻高氏年二十七夫亡撫孤以義方事孀姑
孝謹苦節四十五年乾隆十七年 旌

諸生熊楚蘄妻周氏年二十二歸熊甫月餘楚蘄卒
撫楚蘄姪爲子于密室奉大士像長齋禮拜祝舅
姑眉壽祝兒讀父書乾隆 年 旌

王鎬衍妻李氏鎬衍以攻苦致疾卒氏撫遺孤茂清
成童卽令就傅膏火脯脩皆取給女工後得成就
卒年六十七乾隆十八年 旌

龔渭沚妻田氏 龔臣安妻王氏渭沚卒田剪髮附

棺決志不二□□□氏先終節子臣安又卒媳王氏繼姑□□□文海文魁田守節五十五年王守節三十五年乾隆二十年准予建坊姑媳同 旌
蕭良楫妻黃氏□智長女年十九歸蕭甫四載良楫卒氏事繼姑□□□課子嚴四世同居一門雍睦守節三十年子□太學生乾隆二十年請 旌

此下俱二十年請旌

張仕治妻李氏諸生之薈女年二十四仕治卒氏痛幾絕嫡庶兩姑手紉遺孤謂氏曰欲累老朽耶乃

蘄州志

卷之十三

列女上

十四

起斷髮納棺中後嫡姑歿氏與仕治生母同卧起守節歷三十餘年現請 旌

諸生劉鏞妻□氏年十六歸鏞事姑以孝聞子一崇文鏞卒氏年二十五後崇文年二十四復卒氏又撫孫守節六十三年現以姑媳雙節請 旌

劉崇文妻陳氏子熾女年二十適劉甫四載崇文卒姑余年八十八氏服勞奉養無間寒暑子二長松次柏俱太學生守節歷三十八年現請 旌

田仁浹妻汪氏年二十四夫卒遺孤大受甫六月時

仁浹兄仁淳嫂詹氏相繼亡遺姪大樑僅五齡氏
撫立入州庠大樑又早逝復撫姪孫三世同居戒
毋柝箸守節三十餘年現請 旌

程世瑛妻高氏年二十二適世瑛生子代遠甫三歲
世瑛卒氏痛絕不欲生念弱息強活不事膏沐語
言不出于閨後子代遠卒媳王氏觀感取法亦以
節孝著現以一門雙節請 旌

程代遠妻王氏年二十一適程越二載代遠卒姑高
以節孝聞氏親操井臼勤紡績守節三十五年子

蘄州志

卷之十三

列女上

十五

巖太學生現請 旌

張士模妻陳氏年二十適張甫三月士模暴卒遺腹
生子事祖姑以孝聞守節三十三年現請 旌

烈婦

元

張氏二烈女元至正時人父任總管辛卯寇兵逼蘄
二女聞賊肆擄掠相泣言曰我等宦家子可爲賊
所辱乎遂至蓮花池投水死今烈女墩尚存

明

張氏生員張文秀女正德末霸州賊劉六等出秦淮
漸逼蘄州文秀挈妻女避于江南大山磯窟中賊
搜獲欲污之女罵不從並其母邱氏被殲

生員盧紱妻楊氏崇禎癸未獻逆燬城氏被賊擄欲
負之以行氏給之曰我自能行携母朱氏手至火
起處投烈焰中焚死

生員王從禮妻陳氏諸生陳治策女年十五適王從
禮幼有痼疾氏解奩裝佐藥餌凡八年禮卒氏孝
事舅姑兼撫三子應龍夢龍玉龍垂四十年明末

蘄州志

卷之十三

列女上

十六

避難至鄂城及獻逆襲城城破氏聞變嘆曰未亡
人得死所矣因指庭前井謂兩子婦陳氏曰若輩
有意乎二婦再拜先下井氏取悅履標之井榦亦
隨投井死

生員盧震初妻袁氏年二十二獻賊陷城氏度不能
免拜辭祖舅姑及舅姑抱週歲子投井死時督學
堵公有一門節義之褒

國朝

葉育華妻蕭氏年二十三育華卒子甫一歲爲流賊

所執氏給之曰待我拜別翁姑乃從汝賊許之氏
抱子泣拜翁姑墓畢赴水死家人決塘水盡乃得
屍母子相抱如故時盛夏色不變人咸異之
丁元妻某氏元蘄州營兵丁康熙戊辰通夏逆受僞
札氏預知泣諫不聽乃先手自絞殺兩女尋自經
而死元事洩被執乃拊膺大哭曰悔不從妻言
田躍雲妻周氏年二十五躍雲卒氏有娠遺腹因誓
曰生男則撫孤承祧生女則從夫九泉及娩生一
女氏觸地而死

伍從雲妻謝氏未嫁時聞姑病求侍湯藥姑歿從雲
病篤顧氏不能語氏許以同穴從雲歿經紀其喪
踰三日乃沐浴衣齊麻自經于柩側家故貧不能
葬里人哀之醵金合塚立豐碑紀其烈
何世灝妻胡氏宗謙女十九歸何越六年世灝卒無
嗣氏誓死靡他姑諭以俟夫弟婚娶生子可爲立
嗣氏感姑言朝夕事奉惟謹後母氏欲奪其志氏
聞之遂投繯死時大同司侯暨族黨親鄰皆書額
以褒其烈云

顧燕桂聘妻張氏庠開女年二十燕桂未婚卒訃聞
女哀慘誓以死殉父母日夜防守請奔喪不許遂
謝絕鉛華日服縞素凡五閱月父母謀改適媒至
女偵知佯爲喜笑沐浴更衣密加縫紉自縊于寢
所時康熙五十六年七月二十七日也

陳烈女監生兩全女幼許英山諸生彭永年之子啓
傑方納幣訂婚期啓傑卒氏聞訃慟哭將百里奔
喪父以路遠阻之女怏怏遂易股飾衣縞素越數
月父以青年欲令他適女聞之閉戶縫衣自經而

蘄州志

卷之十三

列女上

十八

絕

貞女

明

麻姑鄭氏崇德女年十歲許字董未嫁而董子卒姑
聞慟甚建幽室留隙以受飲食鑿盆爲浣濯具終
口績麻其中遂名麻姑其盆名老女盆至今存以
績貲置田租九石後爲姑祀產

國朝

張士潁聘妻范氏字倩仙父愷吳縣人以明經署□

興國州遂家焉倩仙幼穎慧父母愛而教之稍長
通書史兼善吟咏年及笄許字士灝未婚而士灝
卒倩仙聞訃力求奔喪父母不能奪比至士灝家
執喪哀毀如婦禮以書別其父曰兒義不復歸遂
留事舅姑立伯子榘嗣夫祀年五十三卒著有耐
寒詩草康熙五十六年 旌

貞女段氏英山縣庠生段肇庶女幼許字州民詹世
則世則染瘋疾年二十未愈其母田氏適段氏母
家使另擇配氏聞引繩自盡母急救乃免尋至夫

蘄州志

卷之十三

列女上

十九

家晝夜伴孀姑以事瘋夫家極窘常日不再食輒
忍受一日夫狂甚指氏曰汝誰也撻氏幾斃後夫
以狂死氏與姑爲依終身處女立夫姪緒生爲嗣
年四十一卒

貞女陳大姑候選州同於梁女幼嫻女則曉大義年
十三許同里陳欲珍長子宏綬將及嫁而宏綬卒
大姑誓不他聘在室六年旋往侍姑疾與共卧起
者七年姑没大姑以悲傷感疾卒

貞女吳氏州老人東昇女年八歲許字濟邑方紹阜

次子杰杰病故女欲以身殉念父母老弟幼遂安
于室縞素終身不出閩闕不與燕會督兩弟苦讀
每徹丙夜燈火茶湯手自奉之年七十八卒

賢媛

指揮使田文妻勞氏文官雲南出師殺賊被傷寢營
氏督軍救之有恢復功 詔封正一品妙金夫人
世襲蘄州衛指揮使隨長子霽承襲于蘄因家焉
州學生李具慶妻吳氏廣濟太常卿亮嗣女明末賊
陷氏翁兵備樹初不屈死夫兄延慶父子及氏所

生五子俱死具慶亦被創氏方有姪從積屍中乘
間掩諸屍負具慶以竄途中產子之璫裹以行賊
平收葬諸骸骨復還舊業皆氏內助之力卒葬陽
門冲盧叅政銘其墓謂涵濡于父訓者深

陳贊元妻熊氏教諭心璋女幼聰慧曉大義于歸孝
事舅姑贊元卒繡佛茹素_毓持門戶篝燈課諸兒
讀不少寬假好施與修路成梁煮茗合藥歲歲不
絕族黨中貧不能自贍者輒捐貲相助年八十七
用形家言承贊元志于溪南建慈雲閣收渴口諸

鄉風水子三於校貢生於梁於榮候選州同

蕪州志

卷之十三

列女上

二十一